

Kloschterräbe-Schränzer

Em Männi fählt e Schruube

Motto: *Fählt aim e Schruube in sym Kopf
so syg er still, dä armi Dropf,
und lueg, dass d'Lyt s'nit mergge dein.
Denn dä, wo mit däm Manggo kiehn
fir sich Regglame mache wott,
dä bruucht nit zorge fir dr (Tele-)Spott*

Dr Männi, sozesage hitte
dä wo - es isch ganz unbestritte -
bim Schwyzer Fämseh als wie lenger
sy Charme uusstrahlt als Rattefänger,
dä sait is dytlig, glar und guet,
dass em e Schruube fähle duet.

Bim Spil vom «Dopplet oder Nyt»
zem Byspil isch es jetz so wyt,
wenn dä, wo gfrogt wird, firegoht
und lambbefiebrig ane stobt,
d'Frog ains haisst in dr erste Runde:
Hänn Si villicht my Schruube gfunde?

Au bi dr Färnseh-Chirurgie
isch unsere Männi gspannt drby.
Er steggt sy Nase fast ins Mässer
und frogt naiv dr Herr Profässer:
Hänn Si emänd bim Blinddarm unde
im Wurmfurtsatz my Schruube gfunde?

Hänn d'Beatles Hoor oder e Glatze?
Bruuchts Luft fir in e Luftmatraze?
Isch d' Antwort rächt, kunnsch in Final
vom Männi syner Swiss-Girl-Wahl.
Dert wird als ersti die denn gwählt,
wo waiss, dass ihm e Schruube fählt.

Bim neye Armbrust-Tele-Schiesse
duet unsre Männi s'Volgg begriesse
und maint, är syg dr Willi Täll.
Kumm, Männi, loss das blybe, gäll!
S'het zwor dr Täll · s'Nitgriesse biesse
doch nien e Schruube sueche miesse.

Am Radio kunnt er efter z'Wort:
Am Sunntig Nomidaag bim Sport,
redt änglisch wien en alte Yankee,
singt Songs wie dr Sinatra Fränki
und frogt drby wie eh und jeh:
Frailain, hännSi my Schrybli gseh?

Ask Many - in dr Annabelle -
mir hätten au e Freegli z'stelle:
Sin Si nit au dr glyche Mainig?
gehn Si nit gänzlig mit is ainig?
het unsre Schwyzer Fämseh-Keenig
nit mehr als nur ai Schruube z'wenig?

Antwort vo dr Red: Jo!

DAS JOHR FINDET ME:

*d'Ladärnen-Uusstellig in dr EW-Halle am Voltaplatz:
Dramm Nr.1*

*DrMänni im Burgheefli:
Dramm Nr.2*

*unsere Wage z'Birsfælde:
Dramm Nr.3*

*e Bächer häll im Bruune Mutz:
Dramm Nr.4, 5, 6, 7, 9, 12, 14, 15, 16, 18, 22, 24, 26*
